

唐  
音  
統  
籤

戊籤一杜牧之七

唐音統籤卷

五百五十九

七言律詩二續補

羊欄浦夜陪宴會

戈檻營中夜未央  
雨沾雲惹侍襄王  
毬來香袖依稀暖  
酒凸觥心汎灩光  
紅絃高緊聲聲急  
珠唱鋪圓裊裊長  
自比諸生最無取  
不知何處亦升堂

江樓晚望

湖山翠欲結蒙籠  
汗漫誰遊夕照中  
初語燕雛知社日  
習飛鷹隼識秋風  
波搖珠樹千尋拔  
山鑿金陵萬仞空  
不欲登樓更懷古  
斜陽江上正飛鴻

登九峰樓

晴江灩灩含淺沙高低遶郭滯秋花牛歌漁笛山  
月上鷺渚鷺梁溪日斜爲郡異鄉徒泥酒杜陵芳  
草豈無家白頭搔殺倚柱遍歸棹何時聞軋鴉

宿長慶寺

南行步步遠浮塵更近青山昨夜鄰高鐸數聲秋  
撼玉霽河千里曉橫銀紅蕖影落前池淨綠稻香  
來野逕頻終日官閒無一事不妨長醉是遊人

將赴池州道中作

青陽雲水去年尋黃絹歌詩出翰林投轄暫停留

酒客絳帷斜繫滿松陰妖人笑我不相問道者應  
知歸路心南去南來盡鄉國月沉秋水只沉沉

洛陽

文事武戰就神功時似開元天寶中已建玄戈收  
相土應迴翠帽過離宮侯門草滿且寒兔洛浦沙  
深下塞鴻疑有女娥西望處上陽煙樹正秋風

悲吳王城

二月春風江上來水精波動碎樓臺吳王宮殿柳  
含翠蘇小宅房花正開解舞細腰何處往能歌能  
女逐誰迴千秋萬古無消息國作荒原人作灰

奉和僕射相公春澤稍憊聖君軫慮嘉雪忽  
降品彙昭蘇卽事書成四韻

白相國

飄來鷄樹鳳池邊漸壓瓊枝凍碧漣銀闕雙高銀  
漢裏玉山橫列玉墀前昭陽殿下風迴急承露盤  
中月彩圓上相抽毫歌帝德一篇風雅美豐年  
和宣州沈大夫登北樓書懷

兵符嚴重辭金馬星劍光芒射斗牛筆落青山飄  
古韻帳開紅旆照高秋香連日彩浮綃幕溪逐歌  
聲遠盡樓可惜登臨佳麗地羽儀須去鳳池遊

賀崔大夫崔正字

內舉無慙古所難  
燕臺遙想拂塵冠  
登龍有路水不峻  
一鴈背飛天正寒  
別夜酒餘紅燭短  
映山帆滿碧霞殘  
謝公樓下潺湲響  
離恨詩情添幾般

中丞業深韜略志在功名再奉長句一篇兼

有諮勸

前五言排律內有送中丞姊夫侍出鎮江西之作

橋似鄧林江拍天  
越香巴錦萬千千  
滕王閣上柁枝鼓  
徐孺亭西鐵軸船  
八部元侯非不貴  
萬人師長豈無權  
要君嚴重跡歡樂  
猶有河湟可下鞭

時版

河湟且立三州大關

酬許十三秀才兼依來韻

多爲裁詩步竹軒有時疑思過朝昏篇成敢道懷  
金璞吟苦唯應似嶺猿迷興每慙花月夕寄愁長  
在別離魂煩君把卷侵寒燭麗句時傳盡戟門

寄唐州李玘尚書

累代功勲照世光奚胡聞道歿心降書功筆禿三  
千管領節門排十六雙先揖耿弇聲寂寂今看黃  
霸事縱縱時人欲識胸襟否彭蠡秋連萬里江

使迴枉唐州崔司馬書兼寄四韻因和

清晨候吏把書來十載離憂得暫開癡叔去時還  
讀易仲容多興索衙盃人心計日殷勤望馬首隨

雲早晚凋莫爲霜臺愁歲暮潛龍須待一聲雷

寄浙西李判官

燕臺上客意何如四五年來漸漸疎直道莫拋男  
子業遭時還與故人書青雲滿眼應驕我白髮渾  
頭少恨渠唯念賢哉崔大讓可憐無事不歌魚

郡齋秋夜卽事寄斛斯處士許秀才

有客誰人肯夜過獨憐風景柰愁何邊鴻怨處迷  
霜久庭樹空來見月多故國杳無千里信綵絃時  
伴一聲歌馳心祇待城烏曉幾對虛簷望白河

寄沈褒秀才



晴河萬里色如刀處處浮雲卧碧桃仙桂茂時金  
鏡曉洛波飛處玉容高雄如寶劍衝牛斗麗似鴛  
鴦養羽毛他日憶君何處望九天香滿碧蕭騷

殘春獨來南亭因寄張祐

煖雲如粉草如茵獨步長堤不見人一嶺桃花紅  
錦黦半溪山水碧羅新高枝百舌猶欺鳥帶葉梨  
花獨送春仲蔚欲知何處在苦吟林下拂詩塵

冬至日遇京使發寄舍弟

遠信初逢雙鯉去他鄉正遇一陽生罇前豈解愁  
家國輦下唯能憶弟兄旅館夜憂姜被冷暮江寒

覺晏裘輕竹門風過還惆悵疑是松窓雪打聲

洛下送張曼容赴上黨召

歌闋罇殘恨却偏憑君不用設離筵未趨雉尾隨  
元老且驀羊腸過少年七葉漢貂真密近一枝詵  
桂亦徒然羽書正急徵兵地須遣頭風處處痊

送杜顥赴潤州幕

少年才俊赴知音丞相門欄不覺深直道事人男  
子業異鄉加飯弟兄心還須整理韋弦佩莫獨矜  
誇玳瑁簪若去上元懷古處謝安墳下與沈吟

盧秀才將出王屋高步名場江南相逢贈別

王屋山人有古文欲攀青桂美氛氲將携健筆干  
明主莫向仙壇問白雲馳逐寧教爭處讓是非偏  
忌衆人分交遊話我憑君道除却鱸魚更不聞

閨情代作

梧桐葉落鴈初歸迢遞無因寄遠衣月照石泉金  
點冷鳳酣簫管玉聲微佳人力杵秋風外蕩子從  
征夢寐稀遙望戍樓天欲曉滿城鼙鼓白雲飛

宣州留贈

紅鉛濕盡半羅裙洞府人間手欲分滿面風流雖  
似玉四年夫婿恰如雲當春離恨盃長滿倚柱關

情日漸曛爲報眼波須穩當五陵遊宕莫知聞

歙州盧中丞見惠名醞

誰憐賤子啟窮途太守封來酒一壺  
攻破是非渾似夢削平身世有如無  
醺醺若借稽康懶兀兀仍添甯武愚  
猶念悲秋更分賜夾溪紅蓼映風蒲

見穆三十中庭海榴花謝

矜紅掩素似多才不待櫻桃不逐梅  
春到未曾逢宴賞雨餘爭解免低徊  
巧窮南國千般豔趁得東風二月開  
堪恨玉孫浪遊去落英狼籍始歸來

七言半律

正集

送王侍御赴夏口座主幕

君爲珠履三千客我是青衿七十徒  
禮數全優知隗始討論常見念回愚  
黃鶴樓前春水濶一杯還憶故人無

七言排律

正集

東兵長句十韻

上黨爭爲天下脊邯鄲四十萬秦坑  
狂童何者欲專地聖主無私豈翫兵  
玄象森羅搖北落詩人章句詠東征  
雄如馬武皆彈劍少似終軍亦請纓  
屈指指廟堂無失策垂衣堯舜待昇平  
羽林東下雷霆

怒楚甲南來組練明卽墨龍文光照曜常山蛇陣  
勢從橫落鵬都尉萬人敵黑稍將軍一鳥輕漸見  
長圍雲欲合可憐窮壘帶猶縈凱歌應是新年唱  
便逐春風浩浩聲

題桐葉

去年桐落故溪上把葉因題歸燕詩江樓今日送  
歸燕正是去年題葉時葉落燕歸真可惜東流玄  
髮且無期笑筵歌席反惆悵朗月清風見別離莊  
叟彭殤同在夢陶潛身世兩相遺一丸五色成虛  
語石爛松薪更莫疑嗟後不勞文似錦進趨何必

利如錐錢神任爾知無敵酒聖於吾亦庶幾江畔  
秋光蟾闕鏡檻前山翠茂陵眉鐫背輕泛數枝菊  
簷影斜侵半局茶休指宦遊論巧拙祇將愚直禱  
神祇三吳燭水半生念寧向閒人道所之

戊籤一杜牧之八

唐音統籤卷

五百六十

九言絕句

醉題

以下  
正集

金鑷洗霜髻銀觥敵露桃醉頭扶不起三丈日還高

獨酌

窓外正風雪擁爐開酒缸何如釣船雨蓬底睡秋江

醉眠

秋醪雨中熟寒齋落葉中幽人本多睡更酌一罇



空

不飲贈酒

細笑人生事彭殤共一籌與愁爭底事要爾作戈矛

長安秋望

樓倚霜樹外鏡天無一毫南山與秋色氣勢兩相高

黃州竹筴

竹岡蟠小徑屈折鬪蛇來三年得歸去知遶幾千迴

題張處士山莊一絕

好鳥疑敲磬風蟬認軋箏  
修篁與嘉樹偏倚半巖生

過田家宅

安邑南門外誰家板築高  
奉誠園裏地牆缺見蓬蒿

籌筆驛

郵亭寄人世人世寄郵亭  
何如自籌度鴻路有冥冥

題敬愛寺樓

月言集  
幕景千山雪春寒百尺樓獨登還獨下誰會我悠  
悠

有寄

雲潤煙深樹江澄水浴秋美人何處在明月萬山  
頭

寄遠

隻影隨驚鴈單棲鏤畫籠向春羅袖薄誰念舞臺  
風

送盧秀才一絕

春瀨與煙遠送君孤棹開潺湲如不改愁更釣魚

來

送薛種遊湖南

買得松醪酒秋來美更香  
憐君片雲思一棹去一作

去瀟湘

題新定八松院小石

雨濶珠璣碎苔生紫翠重  
故關何日到且看小三峰

哭李給事中敏

陽陵郭門外坡陁丈五墳  
九泉如結友茲地好埋

君

朱雲蓋陽陵郭外

盆池

鑿破蒼苔地，偷他一片天。  
白雲生鏡裏，明月落階前。

獨柳

含煙一株柳，拂地搖風久。  
佳人不忍折，悵望迴纖手。

將赴湖州留題亭菊

陶菊手自種，楚蘭心有期。  
遙知灞江日，正是擷芳時。

折菊

籬東菊徑深折得自孤吟雨中衣半濕擁鼻自知心

遣懷

以下續補

道泰時還泰時來命不來何當離城市高卧博山隈

歸家

一作趙微詩

穉子牽衣問歸來何太遲其誰爭歲月贏得髩邊絲

江樓

獨酌芳春酒登樓已半醺誰驚一行雁衝斷過江

雲

題水西寺

三日去還住一生焉再遊含情碧谿水重上粲公樓

驢驢坂二首

瑤池罷游宴良樂委塵沙遭遇不遭遇鹽車與鼓車

荊州一萬里不如塊易度仰首望飛鳴伊人何異趣

龍丘途中二首

漢苑殘花別吳江盛夏來唯看萬樹合不見一枝  
開

水色饒湘浦灘聲怯建溪淚流迴月上可得更猿  
啼

寄遠人

終日求人卜回回道好音那時離別後入夢到如  
今

別沈處士

舊事參差夢新程邈迤秋故人如見憶時到寺東  
樓



六言絕句

正集

代人寄遠二首

河橋酒旆風軟候館梅花雪嬌宛陵樓上春晚我  
郎何處情饒

繡領任垂蓬髻丁香間結春梢臘肯新年歸否江  
南綠草迢迢

戊籤一杜牧之九

唐音統籤卷

五百六十一

七言絕句一

正集

少年行

連環羈玉聲光碎綠錦蔽泥虬卷高春風細雨走  
馬去珠絡璫璫白剡袍

偶題

井羅昔作秦丞相子政曾爲漢輦郎千載更逢王  
侍讀當時還道有文章

九日

金英繁亂拂欄香明府辭官酒滿缸還有玉樓輕

薄女笑他寒燕一雙雙

初冬夜飲

淮陽多病偶求懽客袖侵霜舉燭盤砌下梨花一  
堆雪明年誰此凭欄干

朱坡絕句三首

故國池塘倚御渠江城三詔換魚書賈生辭賦恨  
流落祇向長沙在歲餘

文帝歲餘思賈生

煙深苔巷唱樵兒花落寒輕倦客歸藤岸竹洲相  
掩映滿池春雨鵲鵝飛

乳肥春洞生鵝管沼避迴巖勢犬牙自笑卷懷頭

角縮歸盤煙磴恰如蝸

杏園

夜來微雨洗芳塵公子驂騑步貼勻莫怪杏園顚  
賴去滿城多少插花人

將赴吳興登樂遊原一絕

清時有味是無能閒愛孤雲靜愛僧欲把一麾江

海去樂遊原上望昭陵

舊史云牧自負才略兄恂  
隆盛于時而牧居下位心

不樂望昭陵者不得志于時而思明君之世蓋怨

也首云清時友辭也釋圃至云顏延年詩屢薦  
不入官一麾乃出守麾斥也自此  
詩誤以爲旌麾之麾至今襲其誤

除官赴闕商山道中絕句

水疊鳴珂樹如帳長楊春殿九門珂我來惆悵不  
自決欲去欲住終如何

入商山

早入商山百里雲藍溪橋下水聲分流水舊聲人  
舊耳此迴鳴咽不堪聞

汴河阻凍

千里長河初凍時玉珂瑤珮響參差浮生恰似冰  
底水日夜東流人不知

秋浦途中

蕭蕭山路窮秋雨淅淅溪風一岸蒲爲問寒沙新

到鴈來時還下杜陵無

新定途中

無端偶效張文紀下杜鄉園別五秋重過江南更  
千里萬山深處一孤舟

途中一絕

郡閣雅談云  
罷任浙西作

鏡中綠髮悲來慣衣上塵痕拂漸難惆悵江湖釣  
竿手却遮西日向長安

春盡途中

田園不事來遊宦故國誰教爾別離獨倚關亭還  
把酒一年春盡送春時

江南春絕句

千里鶯啼綠映紅，水村山郭酒旗風。南朝四百八十

寺，多少樓臺煙雨中。

楊川修欲改千里爲十里，詩在意象耳，千里畢竟勝

十里也。

和州絕句

江湖醉度十年春，牛渚山邊六問津。歷陽前事知何實，高位紛紛見陷人。

齊安郡中偶題二首

雨竿落日溪橋上，半縷輕煙柳影中。多少綠荷相倚恨，一時迴首背西風。

秋聲無不攪離心夢澤蒹葭楚雨深自滴堦前大  
梧葉干君何事動哀吟

題齊安城樓

鳴軋江樓角一聲微陽漱漱落寒汀不用憑欄苦  
迴首故鄉七十五長亭

齊安郡後池絕句

菱透浮萍綠錦池夏鴛千轉弄薔薇盡日無人看  
微雨鴛鴦相對浴紅衣

題池州貴池亭

勢比凌歊宋武臺分明百里遠帆開蜀江雪浪西



江滿強半春寒

一作風

去卻來

遊池州林泉寺金碧洞

袖拂霜林下石稜潺湲聲斷滿溪水携茶臘月遊  
金碧合有文章病茂陵

池州清溪

美溪終日到黃昏照數秋來白髮根何物賴君千  
遍洗筆頭塵土漸無痕

咏水至此大出人意表奇哉

入茶山下題水口草市絕句

倚溪侵嶺多高樹誇酒書旗有小樓驚起鴛鴦豈  
無恨一雙飛去却迴頭

漢江

溶溶漾漾白鷗飛  
綠淨春深好染衣  
南去北來人自老  
夕陽長送釣船歸

蘭溪

詩話總龜云蘭溪自黃州麻城出東南流入大江水極清冷

蘭溪春盡碧泱泱  
映水蘭花雨發香  
楚國大夫憔悴日  
應尋此路去瀟湘

江上偶見絕句

北劉禹錫和竇員外律詩前四句也後人誤載爲牧絕句

姑存之

楚鄉寒食橘花時  
野渡臨風駐彩旗  
草色連雲人去住  
水紋如縠燕差池

念昔遊三首

十載飄然繩檢外  
樽前自獻自爲酬  
秋山春雨閒吟處  
倚遍江南寺寺樓

雲門寺

越州

外逢猛雨林  
黑山高雨脚  
長曾奉郊官

爲近侍  
分明攬攬羽林槍

李白題詩水西寺

宣州涇縣

古木迴巖樓閣風  
半醒半

醉遊三日紅白花  
開山雨中

題壽安縣甘棠館御溝

一渠東注芳華苑  
苑鑠池塘百歲空  
水殿半傾蟾  
口澁爲誰流下蓼花中

春晚題韋家亭子

擁鼻侵襟花草香  
高臺春去恨茫茫  
鶯紅半落平池晚  
曲渚飄成錦一張

題宣州元處士高亭

水接西江天外聲  
小齋松影拂雲平  
何人教我吹長笛  
與倚春一作秋風  
弄月明

題村舍

三樹稚桑春未斲  
扶牀乳女午啼饑  
潛銷暗鏹歸何處  
萬指侯家不自知

將赴宣州留題楊州禪智寺

故里溪頭松栢雙來時盡日倚松牕杜陵隋苑已  
絕國秋晚南遊更渡江

醉後題僧院

離心忽忽復悽悽雨晦傾瓶取醉泥可羨高僧共  
心語一如携稚往東西

題禪院

觥船一棹百分空十歲青春不負公今日鬢絲禪  
榻畔茶烟輕颺落花風

春申君

烈士思酬國士恩春申誰與快冤魂三千賓客總

朱履欲使何人殺李園

葛常明云與張祐詩語意相犯

### 題烏江亭

勝敗兵家事不期包羞忍耻是男兒  
江東子弟多才俊卷土重來未可知

### 雲夢澤

日旗龍旆想飄揚一索功高縛楚王  
直是超然五湖客未知終始郭汾陽

### 題商山四皓廟一絕

呂氏強梁嗣子柔我於天性豈恩讐  
南軍不袒左邊袖四老安劉是滅劉

登樂遊原

長空澹澹孤鳥沒

楊用修欲改為沒孤鴻起韻誤

萬古消沈向此

中看取漢家何似

一作事非

業五陵無樹起秋風

赤壁

一作李商隱誤

折戟沉沙鐵未銷自將磨洗認前朝東風不與周

郎便銅雀春深鎖二喬

若溪漁隱云牧之於題詠好異於人如此詩及四皓

廟烏江亭皆反說其事

許彥周云孫氏霸業繫

此一戰都不問只恐沒了二喬可見措大不識好惡

題橫江館

孫家兄弟晉龍驤馳騁功名業帝王至竟江山誰

是主蒼磯空屬釣魚郎

江南懷古

車書混一業無窮  
井邑山川今古同  
戊辰年向金陵過  
惆悵閒吟憶庾公

泊秦淮

煙籠寒水月籠沙  
夜泊秦淮近酒家  
商女不知亡國恨  
隔江猶唱後庭花

汴河懷古

錦纜龍舟隋煬帝  
平臺複道漢梁王  
遊人間起前朝念  
折柳孤吟斷殺腸



題魏文貞

蟬蛄寧與雪霜期  
賢哲難教俗士知  
可憐貞觀太平後  
天且不留封德彝

過勤政樓

千秋佳節名空在  
承露絲囊世已無  
唯有紫苔偏稱意  
年年因雨上金鋪

過華清宮絕句三首

長安迴望繡成堆  
山頂千門次第開  
一騎紅塵妃

子笑無人知  
是荔枝來

墨客揮犀云據唐明皇帝以十月幸驪山至春卽還

宮是未嘗六月在驪山也荔枝盛暑方熟詞意雖美而失事實矣

新豐綠樹起黃埃數騎漁陽探使迴

帝使中使輔  
璆琳探祿山

及否璆琳受祿山  
金言祿山不反

霓裳一曲千峰上舞破中原始

下來

萬國笙歌醉太平倚天樓殿月分明雲中亂拍祿  
山舞風過重巒下笑聲

題桃花夫人

卽息  
夫人

細腰宮裏露桃新脉脉無言度幾春至竟息亡緣  
底事可憐金谷墮樓人

題木蘭廟

彎弓征戰作男兒夢裏曾經與盡睂幾度思歸還

把酒拂雲堆上祝明妃

讀韓杜集

杜詩韓集愁來讀似倩麻姑癢處抓天外鳳凰誰  
得髓無人解合續弦膠

沈下賢

斯人清唱何人和草徑苔蕪不可尋一夕小敷山  
下夢水如環珮月如襟

李和鼎

鵬鳥飛來庾子直謫去日蝕辛卯年由來枉歎賢  
才事消長相持勢自然

葛常明云此言鄭注事也  
議者謂文宗時無辛卯爲

牧之誤余謂牧之所云非謂賈庚子辛卯也鵬集  
于舍賈生賦庚子之日日有餽之詩人有辛卯之  
詠借以明李  
甘之冤

### 出宮人二首

閒吹玉殿昭華管醉折梨園縹蒂花十年一夢歸  
人世絳縷猶封繫臂紗

平陽拊背穿馳道銅雀分香下璧門幾向綴珠深  
殿裏妬拋羞態卧黃昏

### 奉陵宮人

相如死後無詞客延壽亡來絕畫工玉顏不是黃  
金少淚滴秋山入壽宮

見吳秀才與池妓別因成絕句

紅燭短時羌笛怨清歌咽處蜀絃高萬里分飛兩  
行淚滿江寒雨正蕭騷

鄭瓘協律

廣文遺韻留樗散雞犬圖書共一船自說江湖不  
歸事阻風中酒過年年

贈李秀才是上公孫子

骨清年少眼如冰鳳羽參差五色層天上麒麟時  
一下人間不獨有徐陵

贈朱道靈

劉根丹篆三千字郭璞青囊兩卷書牛渚磯南謝  
山北白雲深處有巖居

寄牛相公

漢水橫衝蜀浪分危樓點的拂孤雲六年仁政謳  
歌去柳遶春堤處處聞

寄揚州韓綽判官

青山隱隱水遙遙秋盡江南草未凋二十四橋明  
月夜玉人何處教吹簫

寄遠

前山極遠碧雲合清夜一聲白雪微欲寄相思千

里月溪邊殘照雨霏霏

送陸灣郎中棄官東歸

少微星動照春雲  
魏闕衡門路自分  
倏去忽來應有意  
世間塵土謾疑君

送李羣玉赴舉

故人別來面如雪  
一榻拂雲秋影中  
玉白花紅三百首

五陵誰唱與春風

紀事云羣玉受相府之知進詩三百篇授麟臺讎校

故云

送隱者一絕

一作許渾詩誤

無媒徑路草蕭蕭  
自古雲林遠市朝  
公道世間唯

白髮貴人頭上不曾饒

有懷重送斛斯判官

蒼蒼煙月滿川亭  
我有勞歌一爲聽  
將取離魂隨白騎  
三台星裏拜文星

重送國茶王逢

絕藝如君天下少  
閒人似我世間無  
別後竹牕風雪夜  
一燈明暗覆吳圖

贈別二首

娉娉裊裊十三餘  
荳蔻梢頭二月初  
春風十里揚州路  
卷上珠簾總不如



多情却似總無情，唯覺樽前笑不成。  
蠟燭有心還惜別，替人垂淚到天明。

哭韓緯

平明送葬上都門，紉嬰交橫逐去魂。  
歸來冷笑悲身事，喚婦呼兒索酒盆。

重到襄陽哭亡友韋壽朋

故人墳樹五秋風，伯道無兒跡更空。  
重到笙歌分散地，隔江吹笛月明中。

見宋拾遺題名處感而成詩

竄逐窮荒與死期，餓唯蒿藿病無醫。  
憐君更抱重

泉恨不見崇山謫去時

雲

盡日看雲首不迴無心都大似無才可憐光彩一  
片玉萬里晴

一作青

天何處來

屏風絕句

屏風周昉畫纖腰歲久丹青色半銷斜倚玉牕鸞  
髮女拂塵猶自妬嬌嬈

寄珉笛與宇文舍人

調高銀字聲還側物比柯亭韻校奇寄與玉人天  
上去桓將軍見不教吹

柳絕句

數樹新開翠影齊  
倚風情態被春迷  
依依故國樊川恨  
半掩村橋半掩溪

隋堤柳

夾岸垂楊三百里  
祇應圖畫最相宜  
自嫌流落西歸疾  
不見東風二月時

感定錄云牧連典四郡自湖州拜中書舍人豈可云

流落而汴河歸途題此宜其至京不祿也

山石榴

似火山榴映小山  
繁中能薄艷中間一朶佳人玉  
釵上祇疑燒却翠雲鬟

傷猿

獨折南園一朶梅，重尋幽坎已生苔。  
無端晚吹驚高樹，似裊長枝欲下來。

村舍燕

漢宮一百四十五，多下珠簾閉瑣牕。  
何處營巢巢夏將，半茅簷煙裏語雙雙。

歸燕

盡堂歌舞喧喧地，社去社來人不看。  
長是江樓使君伴，黃昏猶待倚欄干。

鷺鷥

雪衣雪髮青玉觥羣捕魚兒溪影中驚飛遠映碧  
山去一樹梨花落晚風

戊籤一杜牧之十

唐音統籤卷

五百六十二

七言絕句二

續補

宮詞二首

蟬翼輕綃傳體紅玉膚如醉向春風深闌鎖閉猶  
疑惑更取丹砂試辟宮

監宮引出暫開門隨例須朝不是恩銀鑰却收金  
鎖合月明花落又黃昏

重登科

星漢離宮月出輪滿街含笑綺羅春花前每被青  
娥問何事重來只一人

歲月朝迴口號

星河猶在整朝衣  
遠望天門再拜歸  
笑向春風初  
五十敢言知命且知非

書懷

滿眼青山未得過  
鏡中無那髣髴絲  
何祗言旋老轉  
無事欲到中年事更多

偶題

道在人間或可傳  
小還經變已多年  
今來海上昇  
高望不到蓬萊不是仙

寓言

暖風遲日柳初含  
顧影看身又自慙  
何事明朝獨惆悵  
杏花時節在江南

寓題

把酒直須判酩酊  
逢花莫惜暫淹留  
假如三萬六千日  
半是悲哀半是愁

卽事

事文類聚

小院無人雨長苔  
滿庭修竹間疎槐  
春愁兀兀成幽夢  
又被流鶯喚醒來

秋感

金風萬里思何盡  
玉樹一窓秋影寒  
獨掩柴門明



月下淚流香袂倚欄干

秋夕

銀燭秋光冷畫屏輕羅小扇撲流螢天階夜色涼

如水卧看牽牛織女星

荅溪漁隱詩話云此詩斷句極佳意在言外其幽怨

之情不待明言而自見之也

七夕

事文類聚

雲堦月地一相過未抵經年別恨多最恨明朝洗車雨不教回脚渡天河

長安晴望

翠屏山對鳳城關碧落搖光霽後來迴識六龍巡

幸處飛煙間  
號望春臺

長安雪後

秦陵漢苑參差雪  
北闕南山次第春  
車馬滿城原上去  
豈知惆悵有閑人

洛中二首

柳動晴風拂路塵  
年年宮闕鎖濃春  
一從翠輦無巡幸  
老却蛾眉幾許人

風吹柳帶搖晴綠  
蝶遶花枝戀暖香  
多把芳菲泛春酒  
直教愁色對愁腸

洛陽秋夕

泠泠寒水帶霜風更在天橋夜景中  
清禁漏閒煙樹寂月輪移在上陽宮

望少華三首

身隨白日看將老心與青雲自有期  
今對晴峰無十里世緣多累暗生悲

文字波中去不還物情初與是非閑  
時名竟是無端事羞對靈山道愛山

眼看雲鶴不相隨何況塵中事作爲  
好伴羽人深洞去月前秋聽玉參差

山行

遠上寒山石徑斜白雲生處有人家停車坐愛楓  
林晚霜葉紅於二月花

春日古道傍作

萬古榮華旦暮齊樓臺春盡草萋萋君看陌上何  
人墓旋化紅塵送馬蹄

別家

初歲嬌兒未識爺別爺不拜手託父拊頭一別三  
千里何日迎門却到家

入關

東西南北數衢通曾取江西經過東今日更尋南

去路未秋應有北歸鴻

南陵道中

一作寄遠

南陵水面漫悠悠風緊雲輕欲變秋正是客心孤  
迥處誰家紅袖凭江樓

泊松江

清露白雲明月天與君齊棹木蘭船風波湖雨一  
相失夜泊橫塘心渺然

遊邊

黃沙連海路無塵邊草長枯不見春日暮拂雲堆  
下過馬前逢著射雕人

邊上晚秋

黑山南面更無州馬放平沙夜不收  
風送孤城歸晚角一聲聲入客心愁

懷歸

塵埃終日滿窓前水態雲容思浩然  
爭得便歸湘浦去却持竿上釣魚船

寄題宣州開元寺

松寺曾同一鶴棲夜深臺殿月高低  
何人爲倚東樓柱正是千山雪漲溪

宣州開元寺南樓

小樓纔受一床橫終日看山酒滿傾可惜和風夜  
寒雨醉中虛度打窓聲

冬日題智門寺北樓

滿懷多少是恩仇未見功名已白頭不爲尋山試  
筋力豈能寒上背雲樓

早春題真上人院

生天  
寶初

清羸已近百年身古寺風煙又一春寰海自成戎  
馬地唯師曾是太平人

青塚

青塚前頭隴水流燕支山上暮雲秋蛾眉一墜窮

泉路夜夜孤魂月下愁

金谷園

繁華事散逐香塵流水無情草自春日暮東風怨  
啼鳥落花猶似墮樓人

隋宮春

龍舟東下事成空蔓草萋萋滿故宮亡國亡家爲  
顏色露桃猶自恨春風

華清宮

零葉翻紅萬樹霜玉蓮開葉暖泉香行雲不下朝  
元閣一曲淋鈴淚數行



宮人塚

盡是離宮院中女  
苑牆城外塚累累  
少年入內教歌舞  
不識君王到老時

一作時

三川驛伏覽座主舍人留題

舊跡依然已十秋  
雪山當面照銀鈎  
懷恩淚盡霜天曉  
一片餘霞映驛樓

醉後呈崔大夫

謝傳秋涼閱管弦  
徒教賤子侍華筵  
谿頭正雨歸不得  
辜負南窓一覺眠

偶呈鄭先輩

不語亭亭儼薄粧  
畫裙雙鳳釵  
金香西京才子旁  
看取何似喬家那窈娘

訪許顏

門近寒溪窓近山  
枕山聽水日潺潺  
長嫌世上浮雲客  
老向塵中不解顏

別王十後遣京使累路附書

重關曉度宿雲寒  
羸馬緣知步步難  
此信的應中路見  
亂山何處拆書看

十九兄郡樓有宴病不赴

十二層樓敞畫簷  
連雲歌盡草纖纖  
空堂病怯階

前月燕子嗔垂一桁簾

對花微疾不飲呈坐中諸公

花前雖病亦提壺數調持觴興有無盡日臨風羨  
人醉雪香空伴白髭鬚

大夢上人自廬峰廻

行脚尋常到寺稀一枝藜杖一禪衣開門滿院空  
秋色新向廬峰過夏歸

酬王秀才桃花園見寄

桃滿西園淑景催幾多紅豔淺深開此花不逐溪  
流出晉客無因入洞來

汴水舟行答張祐

千萬長河共使船  
聽君詩句倍悽然  
春風野岸名花發  
一道帆檣畫柳煙

過大梁聞河亭方讌贈孫子端

梁園縱翫歸應少  
賦雪搜才去必頻  
板落豈緣無罰酒  
不教客右更添人

陝州醉贈裴四同年

淒風洛下同羈思  
遲日棠陰得醉歌  
自笑與君三歲別  
頭銜依舊髣髴多

醉贈薛道封

飲酒論文四百刻水分雲隔二三年男兒事業知  
公有賣與明君直幾錢

贈獵騎

已落雙鵬血尚新鳴鞭走馬又翻身憑君莫射南  
來鴈恐有家書寄遠人

贈漁父

蘆花深澤靜垂綸月夕煙朝幾十春自說孤舟寒  
水畔不曾逢着獨醒人

贈終南蘭若僧

與同年城南遊覽  
至丈八寺贈禪僧

北闕南山是故鄉

一作家在城南杜曲傍

兩枝仙桂一時芳

休公都不知名姓始覺禪門氣味長

及第後寄長安故人

據言云牧于崔鄭侍郎下及第時東都放榜西

都過堂

有詩曰

東都放榜未花開三十人走馬迴秦地少年多  
釀酒卽將春色入關來

登澧州驛樓寄京兆韋尹

尹曾典此郡

一話潯陽舊使君郡人迴首望青雲政聲長與江  
聲在自到津樓日夜聞

押兵甲發谷口寄諸公

曉澗青青桂色孤楚人隨玉上天衢水辭谷口山

寒少今日風頭校暖無

寄杜子二首

不識長楊事北胡且教紅袖醉來扶狂風烈焰雖  
千尺豁得平生俊氣無

武牢關吏應相笑箇裏年年徃復來若問使君何  
處去爲言相憶首長迴

許秀才至辱李蘄州絕句問斷酒之情因寄  
有客南來話所思故人遙在醉中詩暫因微疾須  
防酒不是歡情減舊時

懷吳中馮秀才

長洲苑外草蕭蕭却笑遊程歲月遙  
唯有別時今不忘暮煙秋雨過楓橋

寄東塔僧

初月微明漏白煙碧松梢外挂青天  
西風靜起傳深夜應送愁吟入夜禪

贈別宣州崔群相公

衰散相逢洛水邊却思同在紫薇天  
盡將舟楫板橋去早晚歸來更濟川

醉倒

日晴空樂下仙雲俱在涼亭送使君  
莫辭一盞卽



相請還是三年更不聞

走筆送杜十三歸京

煙鴻上漢聲聲遠逸驥尋雲步步高應笑內兄年

六十郡城閒坐養霜毛

按牧之卒年五十此云六十或非牧詩也

送趙十二赴舉

省事却因多事力無心翻似有心來秋風郡閣殘  
花在別後何人更一杯

送薛邽二首

可憐走馬騎驢漢豈有風光肯占伊只有張三最  
惆悵下山迴馬尚遲遲

小捷風流已俊才，便將紅粉作金臺。  
明年未去池陽郡，更乞春時却重來。

後池泛舟送王十

相送西郊暮景和，青蒼竹外遶寒波。  
爲君蘸甲十分飲，應見離心一倍多。

重送王十

執袂還應立馬前，向來離思始知難。  
鴈飛不見行塵滅，影下山遙極目寒。

送故人歸山

三清洞裏無端別，又拂塵衣欲卧雲。  
看著挂冠迷

處所北山蘿月在移文

江南送左師

江南爲客正悲秋更送吾師古渡頭惆悵不同塵  
土別水雲蹤跡去悠悠

閑題

男兒所在卽爲家百鎰黃金一朶花借問春風何  
處好綠楊深巷馬頭斜

留贈

舞鞦應任閑人看笑臉還須待我開不用鏡前空  
有淚薔薇花謝卽歸來

倡樓戲贈

細柳橋邊深半春  
纈衣簾裏動香塵  
無端有寄閒消息  
背插金釵笑向人

偶作

才子風流詠曉霞  
倚樓吟什日初斜  
驚殺東鄰繡床女  
錯將黃暈壓檀花

送人

鴛鴦帳裏暖芙蓉  
低泣關山幾萬重  
明鑑半邊釵一股  
此生何處不相逢

破鏡

佳人失手鏡初分何日團圓再會君今朝萬里秋  
風起山北山南一片雲

偶見

黃州作

朔風高緊掠河樓白鼻騮郎白鬚裘有箇當壚明  
似月馬鞭斜揖笑回頭

有感

宛溪垂柳最長枝曾被春風盡日吹不堪攀折猶  
堪看陌上少年來自遲

歎花

據言云牧佐宣城幕遊湖州刺史崔君張水戲使州人畢觀令牧間行闕奇麗

得垂髫者十餘歲後十四年牧刺湖州其人已嫁生子矣乃悵而爲詩曰

自是尋春去校遲不須惆悵怨芳時狂風落盡深

紅色綠葉成陰子滿枝

一作自恨尋芳到已遲往年曾見未開時如今風擺

花狼藉綠葉成陰子滿枝

定子

牛相小青

濃檀

一作紅霞

一抹廣陵春定子初開

一作當筵

睡臉新却

笑喫虧隋煬帝破家亡國爲何人

李尚書席上作

古今詩話云牧自御史分司洛陽李司徒愿罷鎮閑居聲

伎爲當時第一因會朝士以牧之任風憲不敢邀置牧之諷坐客達李李遽馳書以

招而牧之遂來謂李曰聞有紫雲者孰是因指示牧作詩云云意氣閒逸旁若無人

華堂今日綺筵開誰召分司御史來偶發狂言驚

滿坐兩行粉面一時回

遣懷

落魄江湖載酒行  
楚腰纖細掌中情  
十年一覺揚州夢  
贏得青樓薄倖名

傷友人悼吹簫妓

玉簫聲斷沒流年  
滿目春愁隴樹煙  
艷質已隨雲雨散  
鳳樓空鎖月明天

月

三十六宮秋夜深  
昭陽歌斷信沉沉  
唯應獨伴陳皇后  
照見長門望幸心

雨

連雲接塞添迢遞  
灑幕侵燈送寂寥  
一夜不眠孤客耳  
主人窗外有芭蕉

斑竹筒簾

血染斑斑成錦紋  
昔年遺恨至今存  
分明知是湘妃泣  
何忍將身臥淚痕

詠襪

鈿尺裁量減四分  
纖纖玉笋裹輕雲  
五陵年少欺他醉  
笑把花前出畫裙

瑤瑟



玉仙瑤瑟夜珊珊月過樓西桂燭殘風景人間不  
如此動搖湘水徹明寒

方響

數條秋水挂琅玕玉手丁當怕夜寒曲盡連敲三  
五下恐驚珠淚落金盤

聞角

曉樓煙檻出雲霄景下林塘已寂寥城角爲秋悲  
更遠護霜雲破海天遙

邊上聞胡笳三首

何處吹笳薄暮天塞垣高鳥沒狼煙遊人一聽頭

堪自蘇武爭禁十九年

海路無塵邊草新榮枯不見綠楊春  
白沙日暮愁雲起獨感離鄉萬里人

胡雛吹笛上高臺寒鴈驚飛去不迴  
盡日春風吹不散只應分付客愁來

薔薇花

事文類聚

朶朶精神葉葉柔雨晴香拂醉人頭  
石家錦障依然在閑倚狂風夜不收

紫薇花

曉迎秋露一枝新不占園中最上春  
桃李無言又

何在向風偏笑豔陽人

和令狐侍御賞蕙草

尋常詩思巧如春又喜幽亭蕙草新本是馨香比  
君子遶欄今更爲何人

和嚴憚秀才落花

共惜流年留不得且環流水醉流杯無情紅豔年  
年盛不恨凋零却恨開

子規

蜀地曾聞子規鳥宣城又見杜鵑花一叫一回腸  
一斷三春三月憶三巴

猿

月白煙青水暗流孤猿啣恨叫中秋三聲欲斷疑  
腸斷饒是少年須白頭

附

趙嘏

見後

同趙二十二訪張明府郊居聯句

陶潛官罷酒餅空門掩楊花一夜風

牧

古調詩吟

山色裏無絃琴在月明中

嘏

遠簷高樹宜幽鳥出

岫孤雲逐晚虹

牧

別後東籬數枝菊不知閑醉與

誰同

嘏

句

幽人聽達曙聊罷蘇牀琴

海錄碎事

魚多知海熟藥

少覺山貧

以下方與勝覽

土控吳兼越州連歛與池山

河地襟帶軍鎮國藩維

綠水棹雲月洞庭歸路

長春橋垂酒幔夜柵集茶檣箬影沉溪暖蘋花遶

郭香

出守吳興

經冬野菜青青色未臘山梅樹樹花

優古堂詩話

半破前峰月